



SIUMUT INATSISARTUNI ILAASORTAAQ / LANDSTINGSMEDLEM

6. juni 2011

Inatsisartut Suleriaasianni §37 naapertorlugu Naalakkersuisunut apeqqut imattoq matumuuna saqqummiuppara:

Naalakkersuisunut apeqqut:

Pisortat ingerlataanni annaassiniartarnermi aqutsisoq (indsatsleder/beredskabsinspektør) atorfininnermi nalaani piumasaqaataasumik ilinniagaqanngikkuni atorfinissinnaava – atorfinereernermini pikkorissarfissaq indsatsleder pikkorissarfiginissaanut isumaqatigiissuteqareersimagaanni?

(Aleqa Hammond, Siumut)

Tunngavilersuut:

Ukiuni makkunani sulisoqarniarnermi sapinngisaq tamaat ilinniarluarsimasunik sulisoqarniarneq ilaatigut ingerlaniarluarnermi aporfiusarpoq, taamaattorli pikkorissaanerit ingerlanneqartarlutik.

Atorfinititsinermi tunngavigineqartoq tassaavoq:

“Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoo”

“§ 7 Imm. 3. Taassuma saniatigut suliniuteqarnermut aqtsisut ikinnerpaamik marluk, ilinniartit- aanikkut upalungaarsimanermut pisortap piginnaanerisa assinginik piginnaaneqartut, upalungaarsi- manermut pisortamut ikuuttussat kommunalbestyrelsip atorfinitissavai.”

Kissaatigaara apeqqutima ullut suliffiusut qulit qaangiutsinnagit akineqassasoq.

Ikinngutinnersumik inuulluaqqusillunga

Aleqa Hammond
Siumut